

Skútustaðahreppur
Hlíðavegi 6
660 Mývatn

Reykjavík, 20. október 2021
UST202109-215/Þ.V.B.
09.07.01

Efni: Umsókn um Leyfi til framkvæmda – Dagmálaborg og Garður

Umhverfisstofnun hefur móttækið umsókn Skútustaðahrepps, dagsett 22. september 2021, um leyfi til framkvæmda innan verndarsvæðis Mývatns og Laxár.

Mývatn og Laxá í Suður-Þingeyjarsýslu eru vernduð með lögum nr. 97/2004. Markmið laganna er að varðveita líffræðilega fjölbreytni, jarðmyndanir og landslag svæðisins. Í 17. gr. reglugerðar nr. 665/2012 um verndun Mývatns og Laxár í Suður-Þingeyjarsýslu segir að leita skuli leyfis Umhverfisstofnunar fyrir hverskonar framkvæmdum og hvers konar starfsemi á verndarsvæðinu sem getur haft áhrif á lífríki, jarðmyndanir og landslag svæðisins.

Lýsing verkefnis:

Sótt er um leyfi til lagningar göngu og hjólastígs milli Garðs og afleggjarans að Dagmálaborg. Yfirlitsmynd, teikningar af legu stígsins og hönnun fylgdi með umsókn. Í þessum áfanga er ráðgert að fara í framkvæmdir á þeim hluta stígsins sem liggur á milli stöðva 11800 og 14200 á yfirlitsmyndinni. Gert er ráð fyrir að stígurinn muni að mestu liggja samhliða Mývatnsvegi nr. 848 og verði í um það bil 3 metra fjarlægð frá þjóðveginum stóran hluta leiðarinnar. Stígurinn verður 2,5 metra breiður með 25 cm vegöxlum og mun almennt fylgja landi og aðlaga sig að hæðum sem eru á leiðinni. Stígurinn verður malbikaður. Yfir Grænalæk verður byggð 1,5 metra breið brú sem mun liggja samhliða núverandi brú yfir lækinn. Stígurinn mun liggja um votlendi stóran hluta leiðarinnar. Að verkinu koma 5-7 manns og stefnt að því að framkvæmdin fari fram á tímabilinu október til desember 2021. Framkvæmd er skv. aðalskipulagi sveitarfélagsins.

Umsagnir:

Í samræmi við 17. gr. reglugerðar nr. 665/2012 um verndun Mývatns og Laxár í Suður-Þingeyjarsýslu óskaði Umhverfisstofnun umsagnar Náttúrufræðistofnunar Íslands, Náttúruvannsóknastöðvarinnar við Mývatn og umráðenda lands þann 11. október 2021 vegna framkvæmdarinnar. Umsögn Náttúrufræðistofnunar Íslands barst þann 18. október 2021. Í umsögn stofnunarinnar kemur fram að ljóst er að framkvæmdinni fylgi töluvert rask m.a. á votlendi og staðsetning stígsins er víða nálægt búsvæðum fugla. Vanda þarf því mjög til verka. Stígurinn er þó alla jafna mjög nálægt Mývatnsvegi. Horfa þarf til einstakra staðbundinna atriða þegar kemur að útfærslu og verklagi framkvæmdar. Varðandi kaflann sem hér er til umfjöllunar er stærstur hluti hans, frá Garði að upphafi Skútustaðatorfunnar (síkra gatnamótum að Skjólbrekku), nokkuð frá vatns- og árbökkum (nema þar sem vegurinn liggur yfir Grænalæk) og þar þarf einkum að forðast óþarfa rask á votlendi því sem stígurinn liggur um. Gerð stígsins er af þeim toga að áhrifasvæðið ætti að vera frekar takmarkað og

nálæg votlendi ekki að raskast meira en ráð er gert fyrir. Hér þarf því einkum að fara varlega á framkvæmdatíma við efnisflutning og umferð vinnuvéla. Umsögn Náttúruvannsóknastöðvarinnar við Mývatn barst þann 13. október 2021. Náttúruvannsóknarstöðin gerir ekki athugasemdir við verkefnið á þessum kafla stígsins. Umsagnir frá umráðendum lands bárust á tímabilinu 14.-18. október 2021. Umráðendur lands gerðu engar athugasemdir við framkvæmdina.

Áhrifamat:

Umhverfisstofnun telur að framkvæmdin muni ekki hafa neikvæð langtímaáhrif á verndargildi og náttúrufrúar svæðisins. Stígurinn liggur meðfram Mývatnssveitarvegi nr. 848 og því er ekki um óraskað svæði að ræða. Raskið og áhrifin eru mest á framkvæmdatíma og því er mikilvægt að framkvæmdin fari fram utan varptíma, gæta varkárni við framkvæmdir og umferð vinnutækja og fara eftir skilyrðum leyfisins til að takmarka neikvæð skammtímaáhrif framkvæmdarinnar.

Skilyrði:

Umhverfisstofnun veitir Skútustaðarhrepp fyrir sitt leyti leyfi fyrir lagningu göngu og hjólastígs innan innar verndarsvæðis Mývatns og Laxár sbr. lýsingu hér að ofan og skal framkvæmdin vera hafin innan árs frá dagsetningu þessa bréfs að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- **Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.**
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Virða skal umgengnisreglur sem gilda um svæðið.
- Ekki skal hefja framkvæmdir á tímabilinu 1. maí til 15. júlí.
- Einungis skal aka vinnuvélum og vörubílum vegna framkvæmdarinnar að og innan skilgreinds framkvæmdarsvæðis. Afmá skal öll hjólför utan vega að framkvæmdum loknum.
- Forðast skal óþarfa rask og stærð framkvæmdarsvæðis skal haldið í lágmarki.
- Vandað verði við frágang eftir að verki lýkur.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Gæta skal þess að framkvæmdin sé í samræmi við skipulagsáætlanir.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn.
- Þess skal gætt við akstur utan vega að hann fari fram á tímum þar sem hann veldur sem minnstu raski á jarðvegi og gróðri.
- Vandað verði við frágang eftir að verki lýkur. Vinna skal að endurheimt og landmótun á því yfirborði sem raskast, sem stuðlar að náttúrulegu útliti og um leið afmá öll ummerki framkvæmdarinnar utan stígsins.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

Inga Dóra Hrólfsdóttir
sviðsstjóri

Arna Hjörleifsdóttir
sérfræðingur